

Неъматларнинг тақсими | Тазкия дарслари (274-дарс)



19:00 / 24.03.2024 2042

Аллоҳ таолонинг бандаларига берадиган неъматлари бехисоб экани ҳеч кимга сир эмас. У Зотнинг Ўзи Иброҳим сурасида: **«Агар Аллоҳнинг неъматини санасангиз, адогига ета олмайсиз»**, деган (34-оят).

Уламолар неъматларни уч асосий қисмга тақсимлаганлар:

- Дунёвий: соғлик, офиият ва ҳалол мол кабилар.
- Диний: иймон, Ислом, Аллоҳ таолонинг маърифати, тақво, илм ва амал кабилар.
- Ухровий: оз амалга кўп савоб берилиши каби.

Шокирларнинг даражалари:

- Авомларнинг даражаси. Улар фақат Аллоҳнинг неъматларига шукр қиласидилар.
- Хосларнинг даражаси. Улар неъматларга ва кулфатларга шукр қиласидилар.

Имом Термизий Абу Мусо розияллоҳу анҳудан ривоят қилган ҳадисда Набий алайҳиссалом:

«Аллоҳ таоло: «Эй ўлим фариштаси, сен бандамнинг фарзандининг, кўз қорачиғининг, қалбининг самарасининг жонини олдингми?» дейди. Фаришта: «Ҳа», дейди. Аллоҳ: «У нима деди?» деб сўрайди. Фаришта: «Сенга ҳамд ва истиржоъ айтди», дейди. Шунда Аллоҳ таоло: «Жаннатда унга бир уй бино қилинглар ва уни «Ҳамд уйи» деб номланглар», дейди», деганлар.

Имом Ҳоким келтирган ривоятда айтилади:

«Жаннатга биринчи чақириладиганлар Аллоҳ азза ва жаллага енгиллик ва оғирликда ҳамд айтадиганлардир».

3. Хосларнинг хосларининг даражаси. Улар фақат Аллоҳнинг Ўзига шукр қиласидар. Неъматни ҳам, кулфатни ҳам кўрмайдилар.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хulosаси асосида чоп этилган.